



Broj: 2-90/21
SARAJEVO, 13.09.2021.

PREDMET: Stipendiranje putem otkupa stolnih kalendara „Safet Zec uz djecu i mlade“ -,

Uvažena/i,

pozivamo Vas da, otkupom stolnih kalendara - „Safet Zec uz djecu i mlade“, učestvujete u stipendiranju djece i mladih ratnih vojnih invalida i demobilisanih boraca, talentovane djece i mladih, djece i mladih sa invaliditetom, djece i mladih romske i drugih nacionalnih manjina, kao i onih u stanju socijalne potrebe u školskoj 2021/2022. godini. To bi bio prigodan poklon Vašim poslovnim partnerima i radnom osoblju u kompaniji koju vodite.

Vjerujemo kako Vam je poznato da Udruženje „Obrazovanje gradi Bosnu i Hercegovinu“ od 1994. godine kao nevladina, neprofitna i nestranačka organizacija ostvaruje misiju - djeca žrtava rata-naša trajna briga, te pruža moralnu i materijalnu podršku učenicima i studentima da, putem kvalitetnog i potpunog obrazovanja, postanu korisni članovi BH društva. Od školske 2021/2022. godine nema zahtjeva za stipendiranje djece i mladih žrtava rata, jer su u prethodnim godinama završili studije.

U dvadesetsedam godina rada Udruženje je podijelilo 7.623 godišnjih stipendija djeci i mladima u ukupnoj vrijednosti 6.907.635 KM (≈EUR 3.531.817,69). Istovremeno, njih 4.500 bilo je na ljetovanju u Bosni i Hercegovini te osamnaest evropskih i vanevropskih zemalja. Toj populaciji podijelili smo školski pribor, sportsku opremu, odjeću, obuču te hranu i pružili psihosocijalnu podršku u vrijednosti 3.544.724 KM (≈EUR 1.812.388,60). U više od dvadeset škola širom BiH donirali smo školska i sportska pomagala, keramičke table, informatičku opremu, knjige školskim bibliotekama te uradili obnovu školskih zgrada i sportskih dvorana u ukupnoj vrijednosti 205.539,34 EUR-a (≈402.000 KM).

Udruženje "Obrazovanje gradi BiH" u cilju prikupljanja sredstava za stipendiranje djece i mladih odštamalo je stolne kalendare (format 21x14,5 cm) čijom prodajom ima cilj da obezbijedi 20-25 stipendija. Kako nas je i ove godine naš eminentni umjetnik, Safet Zec, podržao i ustupio nam svoja vrhunska djela, jedan kalendar sadrži 12 reprodukcija djela ovog svjetski priznatog umjetnika, njegovu biografiju i esej o Udruženju (na bosanskom i engleskom jeziku). Kalendar možete pogledati i na našoj web stranici. Cijena jednog stolnog kalendara iznosi 6,00 KM s PDV-om.

Uvažena/i, pozivamo vas da:

- otkupite određen broj stolnih kalendara „Safet Zec uz djecu i mlade“
- lobirate kod partnera da otkupe odgovarajući broj stolnih kalendara i na taj način učestvuju u stipendiranju djece i mladih u Bosni i Hercegovini.

Ukoliko se odlučite za otkup više od 50 stolnih kalendara, na podložnom kartonu možemo štampat podatke o Vašoj kompaniji (logo, adresa, telefon). Tada pojedinačna cijena kalendara iznosi 6,30 KM (s PDV-om).

Poštovana/i, u očekivanju pozitivnog odgovora, unaprijed Vam se zahvaljujem u ime Udruženja "Obrazovanje gradi BiH" i osobno ime, te Vam upućujem želje za dalje uspjehe na profesionalnom planu, dobro zdravlje i ličnu sreću.

S poštovanjem,

IZJAVLJENIK IZVRŠNOG DIREKTORA
Edin Bećarević